

柳選四家醫案

上海千頃堂書局發行

俞慎初題



上

王旭高醫案
尤在涇醫案
曹仁伯醫案
張仲華醫案

柳選四家醫案

俞樾題



上海千頃堂書局印行

惜餘小舍評選各家醫案編目次序

內傷雜病

勞倦

七情

脾胃

類中

中風

類中

痿痹

痿躄

痺痛

麻木

拘攣

內風

肝風

癱厥

眩運

神志

顛狂

癰

怔忡

驚悸

健忘

不寐

痰火

痰飲

飲證

痰閉

欬喘

欬嗽

喘哮

失音

喉痹

肺癰

肺痿

失血

欬血

衄血

虛損

汗

消

諸鬱

氣鬱

嘔噦

嘔吐

噎膈

反胃

呃逆

噎噎

錯雜

伏氣

溫熱

外感

風溫

冒寒

雜感

暑

中暑

傷暑

伏暑

濕

濕熱

寒濕

痧疫

瘟疫

霍亂

時痧

瘧疾

黃痺

痹氣

胸痹

肺痹

腸痹

胞痹

腕腹痛

腕痛

腹痛

少腹痛

厥痛

疝氣

泄瀉

癰癤

癰瘰

積聚

痢疾

腫脹

鼓脹

痞滿

浮腫

大便

便血

痔漏

脫肛

便閉

頭痛

頭風

交腸

肢體諸痛

肩臂胸背脇肋腰脊髌膝

蟲

狐惑

諸蟲

蟲毒

肢節諸痛

諸竅

七竅

咽喉

內癰

外瘍

雜證

痰癰

脚氣

婦人

胎前

產後

經帶

雜病

遺精

小兒

小便

淋濁

癰閉

洩血

凡編選醫案其分列門類最難清楚。蓋一病中每有兼證錯見。既可列於此門。亦可入於彼類也。此次擬定總目四十。而以子目分註於下。凡集中錄案多者。標明總目。分門編列。如錄案無多。即不復分標門類。而編列前後。則仍依此目為序。以便讀者可依目檢尋也。

柳選四家醫案目次

王旭高醫案

諸鬱門	二一	痧疫門	四五	內傷雜病門	一
嘔噦門	二三	腳氣門	四六	類中門	二
伏氣門	二六	遺精門	四六	痿痺門	三
暑病門	三一	小便門	四七	內風門	四
瘡疾門	三四	痢疾門	四八	神志門	五
黃痺門	三六	便血門	五一	痰飲門	五
痺氣門	三七	蟲病門	五二	欬喘門	六
腕腹痛門	三七	內癰門	五三	失血門	九
疝氣門	三九	外瘍門	五三	虛損門	一一
瘰癧門	三九	婦人門	五六	汗病門	一二
腫脹門	四二	小兒門	六一	諸鬱門	一二
頭痛門	四四			嘔噦門	一三
諸竅門	四五			伏氣門	一五

尤在涇醫案

伏氣門	一五
-----	----

外感門……………一五 大便門……………二五 氣痺門……………二一 濕病門……………二

濕病門……………一六 外瘍門……………二五 腕腹痛門……………二一 失血門……………二

瘡疾門……………一六 婦人門……………二六 疝氣門……………二四 消證門……………三

黃瘰門……………一七 瘰癧門……………二五 嘔逆門……………三

痺氣門……………一七 腫脹門……………二六 外感門……………四

腕腹痛門……………一八 內傷雜病門……………一 頭痛門……………三〇 氣伏門……………五

瘰癧門……………一八 中風門……………六 肢體痛門……………三〇 疫邪門……………六

腫脹門……………一九 痿痺門……………七 遺精門……………三一 瘡疾門……………七

頭痛門……………二一 神志門……………八 小便門……………三三 黃瘰門……………七

肢體諸痛門……………二二 痰火門……………九 泄瀉門……………三三 腹痛門……………八

諸竅門……………二三 痰飲門……………九 大便門……………三四 腫脹門……………八

腳氣門……………二三 欬喘門(附證治括要)二〇 蟲病門……………三五 瘰癧門……………九

遺精門……………二三 失血門……………一四 張仲華醫案……………九

小便門……………二四 虛損門……………一七 痢疾門……………一〇

泄瀉門……………二四 嘔噦門……………一九 內傷雜病門……………一 大便門……………一〇

痢疾門……………二四 濕病門……………二一 內風門……………二 外瘍門……………一〇

婦人門……………一〇

評選環溪草堂醫案引言

環溪草堂醫案三卷。梁溪王旭臯先生所著也。先生名泰林字旭臯世爲無錫人。嘉道間有以瘍醫馳名江浙者曰高錦亭先生。著有外科心得集。景岳方歌括等書行世。卽旭臯先生之舅氏也。高先生歿後先生傳其業。其始先以瘍醫行。逮後求治者日益多。寢及內科。無不應手奏效。於是遂專以內科行。門下士習業者。每年以十數計。先生讀書上自軒岐下迄國朝諸家。無不精心貫串。於古書則研求故訓。於後人書則必分別疑似。所著有西溪書屋夜話錄。醫方歌括串解。及環溪草堂醫案諸書。均未梓行。其醫案爲門弟子隨時抄錄。未經分別去取。不免繁複者多。余所得見者。蓋有五六本。詳略互異。因屬及門諸子。刪其繁亂。重爲抄輯。最後得王家橋顧君蓮卿本。係先生晚年之作。又得方君畊霞新刊本。案甚繁富。頗有方案足取。而爲他本所未載者。一幷補錄。簡其精粹。分爲三卷。間有未盡之意。隨加按語以闡明之。閱一年而竣事。先生居錫城。去余家不百里。余弱冠時。猶及見之。吾鄉有疑難證。無不求治於先生者。先生必沉思渺慮。疏方與之。厥後或效或否。或有無力再往者。先生必訪悉之。令其再診。以竟厥功。故其所存方案。無

不光堅響切。無模糊影響之談。蓋較近賢之專以靈變取巧者。不啻上下牀之別矣。先生博極羣書所用諸法。如治小兒喘嗽之藥棗。從葛可久之白鳳丹化出。治上熱下寒之八味丸。用紫雪爲衣。從喻西昌外廓之論悟出。若此之類。不勝枚舉。是皆因古法而變化出之。彼胸無古書者。每讀之而猝難領會。余於此等處。均爲一一指出。學者苟能卽是而得。讀書用古之法焉。則庶乎不負先生之苦心也。夫光緒二十六年重陽日江陰柳寶詒謹識

王旭高醫書六種

吳縣陸晉笙訂正
無錫周小農錄校

薛氏溫熱論歌訣	增訂醫方歌訣	退思集類方歌註
西溪書屋夜話錄	醫方證治彙編歌訣	

王旭高著醫門要訣

無錫山陳咨年氏參
無錫周小農校正

五一
角冊

全書四冊
一元八角

評選環溪草堂醫案上卷

無錫王泰林旭高著

江陰柳寶詒穀孫選評

松江李林馥啓賢參校

四明徐震鴻經校訂

內傷雜病門

病將一載。肝氣橫逆而不平。中氣久虛而不振。惟肝逆。故胸脘阻塞而攻衝。惟中虛。故營衛不和其寒熱。凡大便溏。飲食少。右脈細左脈弦。是其證也。四君子合逍遙加左金。是其治也。

黨參 冬朮 陳皮 茯苓 歸身 神麴 白芍 柴胡（鹽水炒） 香附（鹽水炒） 川連（吳萸炒）

穀芽 玫瑰花

詒按 案語爽朗、方亦的當、擬再加沉香鬱金、

再診 陽虛惡寒、陰虛發熱、脾虛則便溏而乏力。木旺則脘痞而氣塞。前方補中泄木。肝氣已平。合以益火生土。氣血雙補。

黨參 冬朮 茯苓 鹿角霜 杞子 木香 兔絲子 歸身 白芍 陳皮 茯苓 杜仲 砂仁 玫瑰花

詒按 肝氣平後、續用培補、是一定層次、惟既有寒熱見證、似可參用桂枝建中之意以和之、三焦相火挾肝陽而上升。每日侵晨。則氣自臍左而上衝。心胸痞塞。自覺胸中熱。舌尖辣。面色紅。過午則氣漸下降。至夜則安。而火降則下或遺泄。此皆無形之火爲患也。推其原始。由乎陰虛。今則相火妄行。蒸鍊胃液成痰。所以吐痰黏膩灰黑。而咽嗝胃管之間。常覺不流利也。法當清相火。導虛陽而下歸窟宅。更佐以化痰鎮逆。病來已久。難期速效。

黃柏(鹽水炒一錢二分) 桂心(三分) 砂仁(炒三分) 蛤殼(一兩) 甘草(三分)

知母(鹽水炒一錢二分) 川連(鹽水炒四分) 茯苓(三錢) 元精石(三錢)

長流水煎

詒按 此方取交濟封髓之法、用意極爲精到、推病因肝腎不攝、虛陽浮逆、擬再加牡蠣龜板以攝下、旋覆竹茹以清上、似於病情更爲周匝、

痰之標在肺胃。痰之本在脾腎。腎虛則水泛。脾虛則溼聚。二者均釀痰之本也。經曰。脾惡溼。腎惡燥。脾腎兩虛。法當滋燥兼行。而痰戀肺胃。又宜標本同治。

熟地 茅朮(芝蔴炒) 陳皮 川貝 茯苓 半夏 紫苑

詒按 案語斟酌病機、切實不泛、用藥亦絲絲入寇、○用黑地黃法、以兩補脾腎、合二陳以和胃、苑貝以利肺、藥品無多、而層層都到、非有簡鍊工夫、不能作此、

凡藏邪惟虛則受之。而實則不受。惟實者能傳。而虛則不傳。仲景云。肝病實脾。治肝邪

之盛也。內經云。肝病緩中。治肝體之虛也。此證肝氣有餘。肝血不足。法宜兩顧爲得。

歸身 白芍 沙苑 杞子 冬朮 茯神 青皮 陳皮 香附 金鈴子 砂仁

詒按 議論確鑿、非胸中有古書者不能道、方亦精到、○方中歸芍杞苑、所以養肝血、青陳香鈴、所以疏肝氣、藥品看似平常、用意恰已周到、

腎水不足。君火上炎。相火下熾。心中如燔。舌光如柿。陽事易舉。陰精易泄。擬清君火以制相火。益腎陰以制肝陽。所慮酷熱炎蒸。恐藥力無權。將亢陽爲害而增劇耳。

川連（鹽水炒） 黃芩 黃柏 阿膠 生地 甘草 雞子黃

另大黃（三錢）、研末、將雞子（一個）、破頭、納大黃（三分）、蒸熟、每日服一個

再診 投苦鹹寒堅陰降火。以制亢陽。心中之燔灼。與舌色之光紅。俱減三分之一。然上午之身熱如燎者未退。幸納食頗增。苦寒可進。再望轉機爲妙。

川黃連 阿膠 生地 元精石 黃芩 甘草 元參 蛤殼 雞子黃

三診 舌乾紅。知飢善納。水虧陽亢。土燥於中。鹹苦堅陰之劑。雖衰其燔亢之勢。而未能盡除其焰。時當炎暑。溼熱與相火蒸騰。擬複入清中固下祛溼之法。仍不出鹹苦之例。

洋參 石膏 知母 甘草 麥冬 川連 阿膠 生地 蛤殼 黃柏 豬膽汁九每朝服三錢

詒按 君相交燔、腎陰被灼、所謂一水不能勝二火、此證是也、僅與壯水、猶難勝任、必得苦以泄之、鹹以制之、而火乃退、更得苦以堅之、鹹以滋之、而陰乃復、

營陰虛則氣火易升。肝木旺則脾土受侮。腹滿頭暈。肝脾之病。耳鳴喉燥。虛火之愆。陰虛生內熱。腎虛故腰痛。擬補陰潛陽。扶土抑木法。

生地(砂仁炒四兩) 茯苓(烘三兩) 山藥(炒三兩) 萸肉(酒炒三兩) 丹皮(酒炒二兩)

澤瀉(炒三兩) 龜板(炙三兩) 沙苑(鹽水炒三兩) 黨參(炒三兩) 杜仲(鹽水炒三兩)

歸身(酒炒三兩) 白芍(炒二兩) 石決明(煨四兩)

右藥爲末、煉蜜打和爲丸、曬乾、泛上後藥、

香附(三兩) 分三分、(一分鹽水炒、一分醋炒、一分蜜水炒) 陳皮(鹽水炒七錢) 沉香

(三錢) 神麴(二兩)

右藥爲末、用橘葉湯、泛上前丸爲衣、

詒按 以補藥爲丸、而以和氣之藥末、泛上爲衣、與喻嘉言藥用外廓之意相合、雖無精義可取、而心思靈巧、可備一格、

夜涼晝熱。熱在上午。此東垣所謂勞倦傷脾之證也。上午熱。屬氣虛。用補中益氣湯。補氣升陽。

補中益氣湯 加神麴 茯苓

詒按 論證立方、如開門見山、心目俱朗、

泄爲脾病。嘔爲胃病。脾胃屬土。居中而司升降。脾宜升。不升則泄。胃宜降。不降則嘔。土衰則木旺。木旺而土益衰。高年當此。頗慮土敗木賊。古人治肝。當先實脾。况茲土弱。尤

當先補其中。稍佐平肝可也。

理中湯 加茯苓 橘餅

詒按 案語、理明詞達、方法、切實不浮、但既有嘔惡見證、則半夏似不可少、擬再加木瓜白芍砂仁、

有時驚悸。有時肌肉頑木。或一日溏泄數次。或數日一大便而堅乾。惟小便常紅。此心氣鬱結。脾氣失運。失運則生溼。鬱結則聚火。火則傷津。溼則阻氣。而氣機不利矣。擬荊公妙香散。加味以補益心脾。

山藥 洋參 黃耆 茯神 赤苓 桔梗 炙草 遠志 麝香 硃砂 木香 川連 麥冬

右藥爲末、用藿香陳皮湯泛丸、每服三錢、開水送下

詒按 專主心脾立論、思路精確、

血不養心。則心悸少寐。胃有寒飲。則嘔吐清水。虛火燦金。則咽痛。肝木乘中。則腹脹。此時調劑最難。熨貼蓋補養心血之藥。多嫌其滯。清降虛火之藥。又恐其滋。欲除胃寒。慮其溫燥劫液。欲平肝木。恐其克伐耗氣。今仿胡洽居士法。專治其胃。以胃爲氣血之鄉。土爲萬物之母。一舉而三善備焉。請試服之。

黨參 冬朮 茯苓 半夏 棗仁 扁豆 陳皮 山藥 秫米

詒按 於無可措手中、尋出養胃一法、自屬扼要之圖、擬再加木瓜白芍以和肝、竹茹麥冬以清肺、似更周匝、

骨格瘦小。先天元氣不足。夏秋寒熱。至今不已。脈細數弱。氣血兩虧。頭不痛而但身痛。或口沃清水。此胃陽虛憊也。當商溫補。倣東垣法。

黨參 茯苓 陳皮 桂枝 柴胡 黃耆 半夏 神麴 當歸 乾薑 砂仁

詒按 少陽生氣被鬱。故寒熱不已。東垣升陽益胃法。用之恰合。加乾薑者。助胃陽也。

再診 前方補中益胃。溫衛氣。開腠理。諸恙皆減。仍依前法。

前方去神麴乾薑。加白朮 白芍

衛氣虛。則洒洒惡寒。營氣虛。則蒸蒸發熱。營衛並出中焦。總以脾胃為主。補脾胃則金有所恃。不必治肝而肝自馴矣。

黨參 冬朮 當歸 川貝 黃耆 茯苓 白芍 陳皮 玫瑰花

詒按 爲虛損證探原立論。方亦精到。

營陰內虧。頭眩心嘈。下午微寒內熱。能食無力。胃中有熱則消穀。脾虛氣弱。則無力也。

黨參 沙苑 茯苓 川連 棗仁 知母 女貞子 白芍 冬朮 麥冬 竹茹

詒按 此虛損初萌之候。因脾虛氣弱。未便滋補耳。

左脈空大。腎水虧也。倦怠無力。脾氣弱也。食少則陰虛。陰虛生內熱。證屬內傷。

補中益氣湯 加黑山梔 白芍

另六味丸。每朝服四錢

詒按 補中益氣補脾氣。六味補腎陰。立法頗切實。惟左脈空大。方中升柴兩味。尙宜斟酌耳。

思慮傷脾之營。勞碌傷脾之氣。歸脾湯補脾之營也。補中益氣湯補脾之氣也。今將二方併合服之。

黨參 黃耆 冬朮 茯神 歸身 炙甘草 砂仁 棗仁 升麻 柴胡 木香 半夏 陳皮

詒按 同是脾病、而病原用藥、確有氣營之別、一經指點、便覺頭頭是道、

腎氣虛逆。非滋不納。脾弱運遲。滋則呆滯。然則如何而可。曰補腎之陽。卽可以轉運脾氣。從仲景腎氣丸化裁。

熟地(附子三分炒) 五味子 茯苓 山藥 肉桂心 麥冬(元米炒) 牛膝(鹽水炒) 山萸肉

陳皮 紫石英 補骨脂(鹽水炒) 胡桃肉

詒按 補腎卽可以補脾、益火以生土也、用腎氣丸恰合、

久病之軀。去冬常患火升。交春木旺。肝膽陽升無制。倏忽寒熱。頭面紅腫。延及四肢。炊熱癢痛。殆卽所謂游火游風之類歟。匝月以來。腫勢已減。四五日前偶然裸體傷風。遂增欬嗽。音啞。痰多口乾。舌白。續發寒熱。胃氣從此不醒。元氣愈覺難支。風火交煽。痰濁復甚。陰津消涸。陽不潛藏。此時清火養陰。計非不善。抑恐滋則礙脾。化痰扶正。勢所必需。又恐燥則傷液。立法但取其輕靈。用藥先求其無過。

北沙參 知母 鮮生地 蛤殼 海浮石 蟬衣 豆卷 青果 海蜇 地栗 百合

另珠粉(朝晨用燕窩湯送下三分)

原註

右方金匱百合知母地黃湯、合本事神效雪羹、取其清火化痰、不傷脾胃、生津養液、不礙

詒按

議病用藥、均歸精細、躁心人不能領取也、

中風門

兩手關脈皆見一粒厥厥動搖之象。此土虛木勝。內風動躍之候也。左半肢體麻木不仁。頭眩面麻。病屬偏枯。慮延仆中。

首烏

當歸

白芍

茯苓

陳皮

秦芫

菊花

天麻

石決明

鈎鈎

刺蒺藜

桑枝

再診 動搖之脈大減。內風有暗熄之機。左手屈伸稍安。左足麻木未和。擬補腎生肝。爲治本之計。

地黃飲子（地山萸斛菴桂附麥冬薑五味菖蒲遠志茯苓巴戟棗）去桂附

詒按 未雨綢繆，故易於奏效，兩方用藥，亦能與病機宛轉相赴、

體肥多溼。性燥多火。十年前小產血崩。血去則陰虧而火亢。肝風暗動。筋絡失養。已非一日。去秋伏暑後變三瘡。瘡久營衛偏虛。遂致風痰擾絡。右半肢體麻痺。而爲偏廢之象。調理漸愈。今但右足麻辣熱痛。痛自足大指而起。顯係肝經血虛失養。據云腿膝常冷。足趺常熱。此非足趺有火而腿膝有寒也。想由溼火乘虛下注。故痛處覺熱。而腿膝氣血不足。則覺寒耳。至於左脛外廉。皮肉之內結核如棉子。發作則痛甚。此屬筋箭。是

風痰瘀血交凝入絡而成。與右足之熱痛麻辣不同。今且先治其右足。

生地 阿膠 五茄皮 歸身 木瓜 天麻 冬朮 獨活 絲瓜絡 牛膝 茯苓 草薢
詒按 論頗明透、方亦平穩、

年已六旬。腎肝精血衰微。內風痰涎走絡。右偏手足無力。舌強言澁。類中之根萌也。溫補精血。兼化痰涎。冀免偏枯之累。然非易事也。耐心調理爲宜。

茯苓 巴戟 茯神 木瓜 半夏 枸杞(鹽水炒) 遠志(甘草湯製) 海風藤 茱萸(酒炒)
牛膝 杜仲(鹽水炒)

詒按 此與下條均因有類中之萌、作未雨綢繆之計、故用藥力求平穩、不敢喜事以邀功也、
腎藏精而主骨。肝藏血而主筋。腎肝精血衰微。筋骨自多空隙。溼熱痰涎乘虛入絡。右偏手足無力。舌根牽強。類中之根溫補精血。宣通經絡。兼化痰涎。守服不懈。加以靜養。庶幾却病延年。

茯苓 黨參(元米拌炒) 牛膝 半夏 杞子(鹽水炒) 陳皮 續斷 茯苓 巴戟 桑枝
又九方 茯苓(二兩酒煮爛搗入) 黨參(三兩元米炒) 熟地(四兩砂仁末陳酒拌蒸爛搗入)
麥冬(二兩去心元米炒) 棗仁(三兩炒研) 巴戟(三兩鹽水炒) 歸身(二兩酒炒)
草薢(三兩炒) 首烏(四兩製炒) 茯神(三兩) 牛膝(三兩鹽水炒) 半夏(二兩)
天冬(二兩去心元米炒) 陳皮(二兩五錢) 杜仲(三兩鹽水炒) 虎骨(三兩炙)
菖蒲(一兩) 杞子(四兩鹽水炒)